

S L U Ž B E N E N O V I N E
KANTONA SARAJEVO

Broj 22 - Strana 94

Četvrtak, 2. 6. 2022.

- (2) Porezna uprava će Općini Trnovo dostavljati izvještaj o prijavi/uplati taksenih obaveza i to dva puta godišnje, za prvu polovinu tekuće godine do 31.07. i za drugu polovinu tekuće godine do 31.01. naredne godine.
(3) Služba za privredu i finansije i Služba za civilnu zaštitu, inspekcijske i zajedničke poslove (Komunalni inspektor) Općine Trnovo će svako u oblasti svojih nadležnosti vršiti povremene kontrole prijava i usklađenosti podataka sa Poreznom upravom.

Član 23.

(Kaznene odredbe)

- (1) Kaznene odredbe propisane su čl.18. i čl. 19. Zakona o komunalnim taksama (Sl.novine Kantona Sarajevo", br. 8/2022).
(2) Pored izrečenih kazni u skladu sa Zakonskim odredbama, Porezna uprava će vršiti prinudnu naplatu takse u skladu sa Pravilnikom o procedurama prinudne naplate poreznih obaveza u Federaciji Bosne i Hercegovine.

Član 24.

(Primjena Odluke)

Stupanjem na snagu ove Odluke prestaje da važi Odluka o visini komunalnih taksi na području Općine Trnovo ("Službene novine Kantona Sarajevo ", br.2/19).

Član 25.

(Stupanje na snagu)

Ova Odluka stupa na snagu danom objavljivanja na oglasnoj ploči Općine i bit će objavljena u "Službenim novinama Kantona Sarajevo".

Broj 01-04-1801

20. maja 2022. godine
Trnovo

Predsjedavajuća

Općinskog vijeća Trnovo
Amina Durmo, s. r.

Na osnovu člana 29. stav 1. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03, 22/06 i 43/10) i članova 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 9. redovnoj sjednici održanoj dana 17.05.2022. godine, donijelo je:

ODLUKU

O ORGANIZOVANJU I FUNKCIONISANJU ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA NA PODRUČJU OPĆINE TRNOVO

I Osnovne odredbe

Član 1.

Ovom Odlukom reguliše se organizovanje i funkcionisanje zaštite i spašavanja ljudi i materijalnih dobara od prirodnih i drugih nesreća, način ostvarivanja prava i dužnosti građana i pravnih lica u zaštiti i spašavanju, nadležnosti organa vlasti općine Trnovo, strukture civilne zaštite, programiranje i planiranje, obučavanje i osposobljavanje i finansiranje civilne zaštite na području općine Trnovo (u daljem tekstu: Općina) u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03, 22/06 i 43/10) - (u daljem tekstu: Zakon o zaštiti i spašavanju), Zakonom o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od

prirodnih i drugih nesreća ("Službene novine Kantona Sarajevo", broj 39/08), kao i odredbama ove Odluke.

Član 2.

Subjekti zaštite i spašavanja ljudi i materijalnih dobara od prirodnih i drugih nesreća su gradani Općine; organi vlasti Općine; privredna društva i druga pravna lica sa područja Općine; službe zaštite i spašavanja; štabovi civilne zaštite; jedinice civilne zaštite i povjerenici civilne zaštite koji poslove zaštite i spašavanja ljudi i materijalnih dobara od prirodnih i drugih nesreća obavljaju u skladu sa odredbama federalnog i kantonalnog Zakona o zaštiti i spašavanju, provedbenim propisima donesenim na osnovu Zakona o zaštiti i spašavanju kao i odredbama ove Odluke.

II Način ostvarivanja prava i dužnosti građana i pravnih lica u zaštiti i spašavanju

Član 3.

Lična i uzajamna zaštita građana predstavlja najvažniji oblik pripremanja i organizovanog učešća građana u zaštiti i spašavanju. Ta zaštita se provodi u stambenim zgradama, javnim i drugim objektima, naseljima i pravnim licima.

Lična i uzajamna zaštita obuhvata naročito: obuku građana, mjere i postupke preventivne zaštite, prvu pomoć, samopomoć, zbrinjavanje djece i nemoćnih lica i druge hitne intervencije u zaštiti i spašavanju ljudi i materijalnih dobara.

Ličnu i uzajamnu zaštitu provode građani gdje žive i rade u okviru prava i dužnosti utvrđenih Zakonom o zaštiti i spašavanju.

U zaštiti i spašavanju dužni su učestvovati svi radno sposobni građani od 18-60 godina života muškarci, odnosno 18-55 godina žene. Građanin koji je od nadležnog štaba civilne zaštite pozvan radi učešća u zaštiti i spašavanju dužan je odazvati se pozivu na mjesto i na vrijeme određeno u pozivu.

Član 4.

Privredna društva i druga pravna lica (u daljem tekstu: pravna lica) koja obavljaju djelatnost iz oblasti zdravstva, veterinarstva, stambenih i komunalnih poslova, vodoprivrede, šumarstva, poljoprivrede, rudarstva, građevinarstva, transporta, opskrbe, ugostiteljstva i vatrogastva u kojima se obavljaju djelatnosti od značaja za zaštitu i spašavanje ljudi i materijalnih dobara od prirodnih i drugih nesreća su dužna organizovati i sprovoditi poslove zaštite i spašavanja u skladu sa Zakonom o zaštiti i spašavanju, drugim propisima i ovom Odlukom.

U toku vođenja akcije zaštite i spašavanja ljudi i materijalnih dobara od prirodnih i drugih nesreća pravna lica iz stava (1) ovog člana su dužna provoditi odluke Općinskog štaba civilne zaštite.

Član 5.

U izvršavanju poslova iz člana 4. ove Odluke pravna lica provode odgovarajuće pripreme, donose i razrađuju planove zaštite i spašavanja za svoje djelovanje u zaštiti i spašavanju, planiraju i osiguravaju materijalno-tehnička sredstva za provođenje mjera zaštite i spašavanja i organiziraju jedinice i povjerenike civilne zaštite, opremaju te jedinice i povjerenike potrebnom opremom i sredstvima i osposobljavaju ih za njihovo učešće u zaštiti i spašavanju.

Pravna lica, vlasnici i korisnici telekomunikacijskih i informacijskih sistema i veza su dužna dati prioritet u korištenju tih sistema i veza Operativnom centru civilne zaštite i Općinskom štabu civilne zaštite Trnovo (u daljem tekstu: Općinski štab) kada rukovodi akcijama zaštite i spašavanja.

III Nadležnosti općinskih organa vlasti**Član 6.**

U ostvarivanju prava i dužnosti u oblasti zaštite i spašavanja, Općinsko vijeće Trnovo (u daljem tekstu: Vijeće) na prijedlog općinskog načelnika:

1. donosi Odluku o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Trnovo;
2. donosi Program razvoja zaštite i spašavanja od prirodnih i drugih nesreća Općine;
3. planira i utvrđuje izvore finansiranja za izvršavanje poslova zaštite i spašavanja iz nadležnosti Općine;
4. razmatra stanje zaštite i spašavanja na području Općine i utvrđuje mјere za razvoj i usavršavanje zaštite i spašavanja od prirodnih i drugih nesreća,
5. vrši i druge poslove u skladu sa Zakonom o zaštiti i spašavanju.

Član 7.

U ostvarivanju prava i dužnosti u oblasti zaštite i spašavanja, Općinski načelnik:

1. organizuje Operativni centar civilne zaštite i obezbjeđuje njegovo funkcionisanje;
2. donosi akte o osnivanju i funkcionisanju zaštite i spašavanja Općinskog štaba civilne zaštite;
3. donosi Procjenu ugroženosti na području Općine od prirodnih i drugih nesreća;
4. donosi Plan zaštite i spašavanja od prirodnih i drugih nesreća Općine;
5. proglašava stanje prirodne i druge nesreće i naređuje upotrebu snaga i sredstava civilne zaštite, službi za upravu, privrednih društava i drugih pravnih lica na području Općine na: prevenciji, ublažavanju i otklanjanju štetnih posljedica od prirodnih i drugih nesreća;
6. proglašava prestanak prirodne i druge nesreće na području Općine;
7. naređuje mobilizaciju građana i njihovih sredstava i sredstava pravnih lica samostalnih privrednika, državnih organa kao i jedinica, štabova, povjerenika i službi za zaštitu i spašavanje;
8. vrši i druge poslove u skladu sa Zakonom o zaštiti i spašavanju.

Član 8.

Službe za upravu, stručne i posebne službe Općine Trnovo (u daljem tekstu: Općinski organi uprave) i druga općinska tijela uprave, u okviru svojih prava i dužnosti utvrđenih Zakonom o zaštiti i spašavanju, Statutom općine i drugim propisima u oblasti zaštite i spašavanja ljudi i materijalnih dobara od prirodnih i drugih nesreća, dužni su da:

1. organizuju, planiraju i osiguravaju provođenje preventivnih mјera za zaštitu vlastitog ljudstva, materijalnih sredstava i objekata koje koriste u svom radu;
2. učestvuju u izradi Procjene ugroženosti na teritoriji Općine, općinskog Programa i Plana u pitanjima iz oblasti za koju su osnovani i u okviru svoje djelatnosti realizuju zadatke koje se za njihove oblasti utvrde u tim dokumentima;
3. provode mјere zaštite i spašavanja ljudi i materijalnih dobara iz svoje oblasti a naročito mјere

koje naredi Općinski štab koje se odnose na angažiranje službi zaštite i spašavanja, privrednih društava i drugih pravnih lica u zaštiti i spašavanju; obavlja Službu civilne zaštite općine o podacima koji su od značaja za planiranje, organiziranje i provođenje zaštite i spašavanja ljudi i materijalnih dobara iz nadležnosti Općine;

4. učestvuju u izradi elaborata za izvođenje zajedničke i samostalne vježbe zaštite i spašavanja.

Član 9.

Služba za civilnu zaštitu, inspekcijske i zajedničke poslove iz oblasti zaštite i spašavanja obavlja sljedeće poslove:

1. organizuje, priprema i provodi zaštitu i spašavanje na području Općine;
2. izrađuje procjenu ugroženosti za područje Općine;
3. priprema program razvoja zaštite i spašavanja od prirodnih i drugih nesreća Općine;
4. predlaže plan zaštite i spašavanja od prirodnih i drugih nesreća Općine;
5. prati stanje priprema za zaštitu i spašavanje i predlaže mјere i unapređenje organizovanja i osposobljavanja civilne zaštite;
6. organizuje, izvodi i prati realizaciju obuke građana na provođenju lične i uzajamne zaštite;
7. organizuje i koordinira provođenje mјera zaštite i spašavanja, te organizuje i provodi poslove zaštite od požara i vatrogastvo, predlaže program samostalnih vježbi i izrađuje elaborat za izvođenje vježbi civilne zaštite u Općini;
8. prati propise iz oblasti civilne zaštite i stara se o njihovoj dosljednoj primjeni;
9. organizuje općinski Operativni centar civilne zaštite i obezbjeđuje njegov rad;
10. vrši popunu ljudstvom štabova civilne zaštite, službi zaštite i spašavanja, jedinica civilne zaštite, određuje povjerenike i osigurava njihovo opremanje materijalno-tehničkim sredstvima, te organizuje, izvodi i prati realizaciju njihove obuke;
11. priprema propise u oblasti civilne zaštite iz nadležnosti općine;
12. vodi propisane evidencije i vrši druge poslove zaštite i spašavanja u skladu sa Zakonom i drugim propisima i općim aktima;

Član 10.

U sastavu Službe za civilnu zaštitu, inspekcijske i zajedničke poslove, organizuje se Operativni Centar civilne zaštite (u daljem tekstu: Operativni Centar). Operativni Centar vrši prikupljanje i obradu podatka o svim vidovima i opasnostima, vrši uzbunjivanje i upozoravanje građana, oglašava prestanak opasnosti, te pravovremeno izvještava nadležne organe.

Član 11.

Za rad Operativnog centra moraju se osigurati neophodni uslovi koji se odnose na prostor, materijalno-tehnička sredstva i opremu u skladu sa odredbama Pravilnika o organizovanju i funkcionisanju Operativnih centara civilne zaštite ("Službene novine Federacije Bosne i Hercegovine ", broj 08/07)

Radno vrijeme Operativnog centra kada nije proglašeno stanje prirodne i druge nesreće iznosi 8 (osam) sati svaki radni dan. Za taj rad u Operativnom centru mora biti zaposleno najmanje jedno, lice.

U slučaju proglašenja stanja prirodne i druge nesreće vrši se mobilizacija pripadnika Operativnog Centra do pune formacije od pet pripadnika koji rade 24 sata svaki dan do prestanka stanja proglašene prirodne i druge nesreće.

Član 12

Statutom mjesne zajednice uređuje se način organizovanja i ostvarivanja zaštite od prirodnih i drugih nepogoda na području mjesne zajednice, utvrđuje nadležnost organa mjesne zajednice kao i način angažovanja građana u zaštiti i spašavanju.

IV Strukture civilne zaštite

Član 13

Strukture civilne zaštite općine su:

- **Općinski štab civilne zaštite,**
- **povjerenici civilne zaštite,**
- **jedinice civilne zaštite i**
- **službe zaštite i spašavanja.**

Član 14

U Općini osniva se Općinski štab civilne zaštite Trnovo (u daljem tekstu: Općinski štab) kao stručno-operativni organ za rukovođenje akcijama zaštite i spašavanja svih učesnika angažiranih na zaštiti i spašavanju na području Općine.

Član 15

Općinski štab sastoji se od: komandanta, načelnika i članova štaba koje postavlja i razrješava Općinski načelnik.

Sastav i način popune štabova civilne zaštite uređuje se posebnim općim aktom organa uprave, odnosno posebnim aktom pravnog lica.

Poslovnikom o radu Općinskog štaba detaljnije su reguliše: unutrašnja organizacija Općinskog štaba, način pripremanja sjednica Općinskog štaba, utvrđivanje dnevнog reda, zakazivanje i vođenje sjednica, način rasprave o pitanjima dnevнog reda, način odlučivanja i donošenja akata (odluke, naredbe i zaključci) iz nadležnosti Općinskog štaba, način utvrđivanja zaduženja članova Općinskog štaba na realizaciji zadataka koji se utvrde u aktima Općinskog štaba CZ; vođenje zapisnika i druga pitanja od značaja za organizaciju i način rada Općinskog štaba CZ.

Član 16

Štabovi civilne zaštite mogu se osnivati u pravnim licima koja se nalaze na području Općine u skladu sa njihovim procjenama ugroženosti.

Ako se ne osnuje štab civilne zaštite, pravna lica su dužna svojim općim aktom odrediti organ koji će rukovoditi akcijama zaštite i spašavanja u pravnom licu.

U toku vođenja akcija zaštite i spašavanja ljudi i materijalnih dobara od prirodnih i drugih nesreća, pravna lica iz stava 1. ovog člana, dužna su provoditi odluke Općinskog štaba koji rukovodi akcijama zaštite i spašavanja.

Član 17.

U mjesnoj zajednici može se formirati štab civilne zaštite mjesne zajednice kao stručno operativni organ za rukovođenje akcijama zaštite i spašavanja svih učesnika angažovanih na zaštiti i spašavanju na području mjesne zajednice, u skladu sa procjenom ugoženosti Općine od prirodnih i drugih nesreća.

Štab civilne zaštite u mjesnoj zajednici formira Općinski načelnik na prijedlog Službe za civilnu zaštitu, inspekcijske i zajedničke poslove.

Član 18.

U rukovođenju akcijama zaštite i spašavanja štabovi civilne zaštite vrše sljedeće poslove:

1. odlučuje o upotrebi snaga i sredstava civilne zaštite na zaštiti i spašavanju ugroženih i stradalih ljudi i materijalnih dobara i te snage raspoređuju na područja koja su ugrožena;
2. naređuju provođenje odgovarajućih mjer zaštite i spašavanja i određuju snage i sredstva koje će provoditi te mjeru;
3. usmjeravaju, koordiniraju i rukovode akcijama zaštite i spašavanja svih učesnika angažovanih na zaštiti i spašavanju;
4. rješavaju sva pitanja koja se u toku provođenja aktivnosti na zaštiti i spašavanju pojave u vezi s angažovanjem snaga i sredstava civilne zaštite i provođenju mjer zaštite i samozaštite građana.

Član 19.

Rukovođenje akcijama zaštite i spašavanja u organima uprave i drugim tijelima vlasti i pravnim licima vrše i to:

1. u organima uprave i drugim organima vlasti – rukovodilac organa uprave;
2. u pravnom licu – štab civilne zaštite, ako je osnovan, odnosno direktor;
3. u mjesnoj zajednici - štab civilne zaštite, a ako štab nije osnovan, povjerenici civilne zaštite.

U uvjetima kada prirodna i druga nesreća zaprijeti ili nastane iznenada, a komandant Općinskog štaba civilne zaštite nije u mogućnosti izvršavati svoje dužnosti, načelnik Općinskog štaba civilne zaštite je ovlašten da u ime komandanta poduzima sve potrebne mjeru značajne za zaštitu i spašavanje, dok komandant ne počne vršiti svoju funkciju.

Član 20.

Povjerenici civilne zaštite (u daljem tekstu: povjerenici) određuju se u naseljenim mjestima na području općine Trnovo, zavisno od broja stanovnika i razuđenosti naseljenih mesta, općinskim organima uprave i drugim organima uprave Općine, drugim organima i ustanovama i pravnim licima u kojima se ne osniva štab civilne zaštite.

U općinskim organima uprave i drugim organima i ustanovama određuje se jedan povjerenik za svaki organ, odnosno ustanovu.

Povjerenici u naseljima vrše poslove koji se odnose na organizovanje i poduzimanje neposrednih mjer na učeštu građana u provođenju samozaštite i učestvuju u svim aktivnostima civilne zaštite koje se provode u akcijama zaštite i spašavanja ljudi i materijalnih dobara na određenom području, odnosno u objektima za koje su zaduženi.

Povjerenici u općinskim organima uprave i drugim organima vlasti, ustanovama i pravnim licima, vrše poslove koji se odnose na organiziranje i pripremanje mjer i aktivnosti na sudjelovanju službenika i uposlenika na provođenju lične i kolektivne zaštite i mjer zaštite i spašavanja u zgradama i objektima za koje su zaduženi.

Planom zaštite i spašavanja od prirodnih i drugih nesreća vrši se određivanje broja povjerenika civilne zaštite, razrada njihovih poslova i zadataka u miru, za vrijeme prirodnih nepogoda i drugih nesreća i način finansiranja.

U općinskim organima uprave i naseljima povjerenike postavlja i razrješava Općinski načelnik na prijedlog Službe civilne zaštite Općine.

Član 21.

Jedinice civilne zaštite formiraju se, opremaju i osposobljavaju kao operativne snage radi neposrednog

angažovanja na izvršavanju zadatka zaštite i spašavanja ljudi i materijalnih dobara od prirodnih i drugih nesreća kao i otklanjanja posljedica nastalih djelovanjem tih nesreća.

Jedinice civilne zaštite formiraju se kao jedinice opće i specijalizovane namjene.

Jedinice civilne zaštite formiraju se po načelima teritorijalne popune kao odjeljenja i vodovi.

Veličina, vrsta i broj jedinica civilne zaštite utvrđuje se na osnovu Procjene ugroženosti po ljude i materijalna dobra koje mogu nastati od prirodnih i drugih nesreća kao i ljudskih, materijalnih i drugih mogućnosti kojima raspolaže Općina i pravna lica koja formiraju te jedinice.

Član 22.

Jedinicu civilne zaštite opće namjene jačine voda formira Općinski načelnik na prijedlog Službe za civilnu zaštitu, inspekcijske i zajedničke poslove.

Jedinice civilne zaštite specijalizirane namjene formiraju se radi izvršavanja složenijih zadataka zaštite i spašavanja čiji pripadnici pri vršenju tih poslova moraju imati stručno znanje za pravilnu upotrebu tehničkih sredstava i opreme.

Za izvršavanje poslova i zadatka iz oblasti civilne zaštite, u skladu sa Procjenom ugroženosti Općina će formirati jedinicu opće namjene jačine voda na teritorijalnom principu.

Član 23.

Službe zaštite i spašavanja po pravilu organizuju se u pravnim licima i udruženjima građana, sa sjedištem na području Općine iz oblasti: zdravstva, veterinarstva, stambenih i komunalnih poslova i vatrogastva u kojima se obavljaju djelatnosti od značaja za zaštitu i spašavanje ljudi i materijalnih dobara od prirodnih i drugih nesreća.

Službe zaštite i spašavanja vrše poslove zaštite i spašavanja po pitanjima koja proizilaze iz osnovne djelatnosti pravnog lica, te poslove služba ostvaruje provođenjem preventivnih i operativnih mjera zaštite i spašavanja.

Općinski načelnik, na prijedlog Službe za civilnu zaštitu, inspekcijske i zajedničke poslove, donosi Uredbu kojom određuje pravna lica i udruženja u kojima se organizuju služba zaštite i spašavanja koji će djelovati na području općine Trnovo, zadaci tih službi i druga pitanja od značaja za rad tih službi.

V Programiranje i planiranje

Član 24.

Organiziranje i provođenje zaštite i spašavanja od prirodnih i drugih nesreća na području općine Trnovo, vrši se na osnovu planskih dokumenata:

1. Procjene ugroženosti područja općine Trnovo od prirodnih i drugih nesreća,
2. Programa razvoja zaštite i spašavanja i
3. Plana zaštite i spašavanja od prirodnih i drugih nesreća u skladu sa Zakonom o zaštiti i spašavanju i drugih propisa.

Član 25.

Glavni nosilac izrade planskih dokumenata iz člana 24. ove Odluke je Služba za civilnu zaštitu, inspekcijske i zajedničke poslove općine uz obavezno učešće i aktivnosti općinskih organa uprave i drugih organa općinske uprave.

VI Obučavanje i osposobljavanje

Član 26.

Radi sticanja stručnih znanja i vještina za zaštitu i spašavanje građani, pripadnici štabova, službi zaštite i

spašavanja, jedinica i povjerenici civilne zaštite dužni su obučavati se i osposobljavati za izvršavanje svojih zadataka u civilnoj zaštiti.

Obučavanje i osposobljavanje iz stava 1. ovog člana organizuje se po nastavnim planovima i programima koje donosi direktor Federalne uprave civilne zaštite.

Član 27.

Obučavanje i osposobljavanje iz člana 26. ove Odluke obavlja Služba za civilnu zaštitu, inspekcijske i zajedničke poslove Općine a prema nastavnim planovima i programima koje donosi direktor Federalne uprave civilne zaštite u skladu sa Zakonom o zaštiti i spašavanju.

VII Finansiranje

Član 28.

Zaštita i spašavanje od prirodnih i drugih nesreća na području općine Trnovo finansira se iz:

1. Budžeta Općine
2. sredstava pravnih lica
3. osiguranja
4. dobrovoljnih priloga
5. međunarodne pomoći
6. i drugih izvora utvrđenih Zakonom o zaštiti i spašavanju i drugim propisima.

Član 29.

Sredstva potrebna za finansiranje obaveza za potrebe zaštite i spašavanja na području općine obezbeđuju se svake godine u općinskom Budžetu.

Član 30.

Pravna lica iz vlastitih sredstava finansiraju troškove koji se odnose na pripremanje i opremanje štabova, povjerenika i jedinica civilne zaštite koje osnivaju radi zaštite i spašavanja vlastitog ljudstva, imovine i drugih materijalnih dobara od opasnosti i djelovanja prirodnih i drugih nesreća.

VIII Prijelazne i završne odredbe

Član 31.

Gramatička terminologija u ovoj Odluci podrazumjeva uključivanje oba spola.

Član 32.

Danom stupanja na snagu ove odluke, prestaje da važi Odluka o organizovanju i funkciranju zaštite i spašavanja ljudi i materijalnih dobara od prirodnih i drugih nesreća za područje Općine Trnovo ("Službene novine Kantona Sarajevo broj 36/05").

Član 33.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-1811/22

20. maja 2022. godine

Trnovo

Predsjedavajuća

Općinskog vijeća Trnovo

Amina Dedić, s. r.

Na osnovu člana 90. Zakona o budžetima u Federaciji Bosne i Hercegovine ("Službene novine Federacije BiH", 102/13, 9/14, 13/14, 8/15, 91/15 i 102/15 i 104/16) i člana 10. Odluke o izvršavanju Budžeta općine Trnovo za 2021. godinu ("Službene novine Kantona Sarajevo", br. 2/21, 29/21, 46/21), Općinsko vijeće Trnovo na 9. sjednici održanoj dana 17.05.2022. godine usvojilo je